

Udin, ai 10 di Avrîl dal 2015

ARLEF: 99 IDEIS PAR INSEGNÂ LA LENGHE FURLANE

Un event formatîf par insegnants iscrîts te liste regjonâl pal insegnament de lenghe furlane.

Organizât a Udin, ai 20 di Avrîl, ae presince de assessore Panariti. A son viertis lis iscrizions.

L'Assessorât pe Istruzion de Regjon Friûl Vignesie Julie adun cu la Agenzie Regjonâl pe Lenghe Furlane e in colaborazion cul Uffici Scolastic Regjonâl e la Universitât dal Friûl a organizin un gnûf moment formatîf pai insegnants iscrîts te liste regjonâl pal insegnament de lenghe furlane lunis ai **20 di Avrîl** dal 2015 des 16.00 aes 19.00, li dal **Auditorium de Regjon** (in vie Sabbadini) a Udin.

In cheste ocasion, al sarà presentât l'ultin materiâl didatic plurilengâl sostignût de ARLeF e realizât di Silvana Schiavi Fachin cu la cjase editore Futura: 99 PERAULIS_Fevelâ cul mont_parlare col mondo_talking to the world. Un libri/zûc didatic in forme di scjatule, cun 99 cjartis di zûc e ancjetantis peraulis dissegnadis dai fantats dal Centri Diurni Punto Zero cu la colaborazion de ilustradore Patrizia Geremia. Lis peraulis, i proverbis, lis cjançon a son declinâts par furlan e in 14 lenghis a supuart di une educazion pluriculturâl e interculturâl tant che fonde di un percors educatîf plurilengâl.

Dilunc dal event formatîf, ae **presince** de assessore regjonâl ae istruzion, **Loredana Panariti**, dal retôr de Universitât dal Friûl, **Alberto Felice De Toni**, de ispetore dal Uffici Scolastic Regjonâl, **Paola Floreancig** e dal president de ARLeF, **Lorenzo Fabbro**, si fasarà il pont sui disvilups e lis voris inviadis a pro dal insegnament dal furlan a scuele, de formazion pai insegnants e dal lôr ricognossiment professionâl e formatîf.

Al vignarà presentât, cun di plui, il **gnûf** Cors di perfezionament e di inzornament pai insegnants di lenghe furlane "Lenghe furlane te scuele plurilengâl_Lingua friulana nella scuola plurilingue" inmaneât de Universitât dal Friûl cu la poie de Regjon F.V.J.

A ducj i participants, a conclusion de zornade, ur vignarà dât l'atestât di frecuence, une copie di "99 Peraulis_Fevelâ cul Mont" e altris materiâi didatics e informatîfs.

Par partecipâ si à di iscrivisi **confermant la presince drenti di joibe ai 16 di Avrîl** ae direzion email: arlef@regione.fvg.it

<<<<<<<<<<<<<<<<<<<<<